

全上古三代秦漢三國六朝文

全晉文卷七

烏程嚴可均校輯

惠帝

帝諱衷字正度武帝第二子泰始三年立爲皇太子太熙元年四月卽位改元十永熙永平永康永安承安建武永興光熙在位十七年諡曰孝惠皇帝

曰司馬越楊邈爲太子侍從詔永熙元年八月

隴西王世子越駙馬都尉楊邈並可奉朝請侍從左右與太子游

處書鈔五十八引晉起居注

改元永平詔

朕夙遭不造淹恤在疚賴祖宗遺靈宰輔忠賢得曰眇身託于羣后之上昧於大道不明于訓戰戰兢兢夕惕若厲乃者哀迷之際三事股肱惟社稷之重率遵翼室之典猶欲長奉先皇之制是曰

有永熙之號然日月踰邁已涉新年開元易紀禮之舊章其改永

熙二年為永平元年晉書惠帝紀

祕書監詔永平元年二月戊寅

祕書綜理經籍考核古今課試署吏領四百人直專其事然後精

詳中書自有職務相連統攝省事付丞理必未盡晉書鈔五十七引

王隱晉書惠帝永平元年詔

封董猛為武安侯詔元年

中常侍董猛固讓封邑其封為武安侯猛前求餘戶封三兄今皆

封為亭侯御覽二百一引晉起居注

呂張華為中書監詔元年

華體良清粹才識經濟前任中書有思謀之勤機密之要宜得其

才呂華為中書監加侍中書鈔五十七引王隱晉書

呂汝南王亮為太宰詔元康元年三月丙寅

大司馬汝南王亮體道冲粹，通識政理，宣翼之績，顯於本朝。二南之風，流於方夏，將憑遠猷，曰康王化。其曰亮爲大宰錄尚書事，入朝不趨，劍履上殿，增掾屬十人，給千兵百騎，與太保衛瓘對掌朝政。

晉書汝南王亮傳

曰王渾錄尚書事詔 元年

司徒王渾秉德忠正，器量弘遠，歷位內外，文武勛庸，著在方策，宜

參弼機衡，曰亮天工，其令錄尚書事。

御覽二百十七書鈔五十九引晉起居注

爲楚王瑋發哀詔 元年六月乙丑

周公使二叔之誅，漢武斷昭平之獄，所不得已者，廷尉奏瑋已伏

法，情用悲痛，吾當發哀。

晉書楚王瑋傳

曰張華爲儀同詔 元年

中書監光祿大夫張華，歷世腹心，情所憑賴，故疇其勳績，使儀同

三司，而虛冲挹損，難違高尚，其曰華爲光祿大夫儀同三司，本職

如故又給親信滿百人

御覽二百四十三引晉起居注又書鈔五十二引王隱晉書兩條

報陸機表薦張暘詔

元年

暘既爲是人所稱便差代

御覽二百五十三

王戎開府詔

元年

尙書僕射光祿大夫王戎清虛履道謀猷冲遠敦歷外任宣力四方入掌機衡官才允敍將澄清風俗顯一羣望宜崇其職乃可贊

成王化其目光祿大夫開府儀同三司

北堂書鈔卅二引王隱晉書

呂王戎領吏部詔

元年

夫興治成務要在官人銓管之爲任不可假授侍中中書令光祿大夫戎經德秉正鑒識明遠其目戎爲領吏部

北堂書鈔六十一引晉起居注

選東宮師友詔

元年

適尙幼蒙今出東宮惟當賴師傅羣賢之訓其游處左右宜得正

人使其周旋能相長益者

北堂書鈔卅太子傳

大保衛璿息庭司空隴西王泰息略太子太傅楊濟息懿太子太師裴楷息憲太子少傅張華息祿尚書令華廙息恆竝曰道義之門有不肅之訓其令此六人更共往來與太子習數備賓友也

報傅咸辭司隸校尉詔

元康初

但當思必應繩中理威風自伸何獨劉毅

晉書傳咸傳

報傅咸劾王戎詔

元康初

政道之本誠宜久於其職咸奏是也戎職在論道吾所崇委其解

禁止

晉書傳咸傳

改中書著作隸祕書詔

元康二年

著作舊屬中書而祕書既典文籍今改中書著作爲祕書著作

晉書

職官志又見通典二十六

報司徒王渾等詔

下殤小功可曰嫁娶俊等簡忽喪紀輕違禮經皆宜如所正

通典六十六

王渾奏虞潛夏侯俊等周喪嫁娶  
園子助教吳商祭酒裴願議詔報

謝玖進位淑妃詔

元康五年

才人謝玖進爲淑妃

御覽一百四十五引晉起居注

皇后蠶服詔

元康六年

魏呂來皇后蠶服皆曰文繡非古義也今宜純服青曰爲永制

晉

志

給賜故平西將軍周處母詔

元康七年

處母年老加呂遠人朕每愍念給其醫藥酒米賜曰終年

六百書周處傳

贈馬敦詔

七年

今追贈牙門將軍印綬祠曰少牢

文選馬汧晉書注引王隱晉書

詔問高禰壇石

元康八年

置此石來幾時出何經典今應復不

御覽五百二十九元康六年高禰壇石破爲二段詔問

案隋書禮儀志二通典五十五載此事並云六年今從惠帝紀列于八年

曰太子書及青紙示公卿詔元康九年

通書如此今賜死晉書愍懷太子傳

立臨淮王賊爲皇太孫詔永康元年五月己巳案愍懷傳作四月今從惠紀

咎徵數發茲回作變通既逼廢非命而沒今立賊爲皇太孫還妃

王氏曰母之稱太孫太妃太子官屬卽轉爲太孫官屬趙王倫行

太孫太傅晉書愍懷太子傳

自金墉反正詔永康元年四月癸亥

朕曰不德纂承皇統遠不能光濟大業綏靜四方近不能開明刑  
威式遏奸宄至使逆臣孫秀放肆凶虐窺間王室遂奉趙王倫鑿  
據天位鎮東大將軍齊王冏征北大將軍成都王穎征西大將軍  
河間王顒竝曰明德茂親忠規允著首建大策匡救國難尙書灌  
共立大謀左衛將軍王輿與羣公卿士協同謀略親勒本營斬秀  
及其二子前趙王倫爲秀所誤與其子等已詣金墉迎朕幽宮旋

軫閭闔豈在予一人獨饗其慶宗廟社稷實有賴焉晉書惠帝紀

后苞孫紹封詔

故樂陵公后苞國祚莫繼其特已苞孫行案后崇傳作崇從孫演為樂陵公

書鈔四十八引晉起居注元康元年詔案元康蓋誤今從后崇傳編于復祚後

呂王戎為尚書令詔永寧元年案通典作太熙元年忠誤

夫總百揆之得失管王政之開塞者端右之職也是呂自漢代呂

來每選此官必慎其人司徒通典作議郎誤王戎可為尚書令通典二十二又見御覽二百十

引晉書

公孫淑如進貴人詔元年

峻陽園淑如公孫明識貞粹今進位為貴人御覽一百四十五引晉起居注

徙東萊王蕤詔元年

大司馬呂經識明斷高謀遠略猥率同盟安復社稷自書契所載

周召之美未足比勳故授公上宰東萊王蕤潛懷忌妬包藏禍心

與王輿密謀，圖欲譖害，收輿之口，糝與青衣共載，微服奔走，經宿乃還。姦凶赫然，妖惑內外。又前表同所言深重，雖管蔡失道，牙麇亂宗，不復過也。春秋之典，大義滅親，其徒糝上庸。晉書齊王攸附傳

曰楊超爲騎都尉詔

元年

舅氏失道，宗族隕墜，渭陽之思，孔懷感傷。其曰務亭侯楊超爲奉

朝請騎都尉，曰慰蓼莪之思，焉。晉書楊駿傳

曰琅邪王睿爲通直詔

元年

散騎常侍琅邪王睿，口識清口，日新匪懈，宜在機近。其令睿通直

也。書鈔五十八引晉起居注

報劉弘詔

太安二年

將軍文武兼資，前委方夏，宛城不守，咎由趙譙。將軍所遣諸軍，尅滅羣寇，張奕貪禍，距遣詔命，將軍致討，傳首闕庭。雖有不請之嫌，古人有專之之義，其恢宏奧略，鎮綏南海，曰副推轂之望焉。晉書劉弘

傳

復故司空張華封爵詔二年

夫愛惡相攻，佞邪醜正，自古而有。故司空壯武公華竭其忠貞，思翼朝政，謀謨之勳，每事賴之。前曰華弼濟之功，宜同封建，而華固讓，至於八九。深陳大制，不可得爾。終有顛敗危辱之慮，辭義懇誠，足勸遠近。華之至心，誓於神明。華曰：伐吳之勳，受爵於先帝，後封既非國體，又不宜曰小功。踰前大賞，華之見害，俱曰奸逆。圖亂濫被枉賊，其復華侍中、中書監、司空、公、廣武侯，及所沒財物，與印綬符策，遣使弔祭之。晉書張華傳

立成都王穎爲皇太弟詔永興元年三月戊申

朕曰不德，纂承鴻緒。于茲十有五載，禍亂滔天，奸逆仍起。至乃幽廢重宮，宗廟圯絕。成都王穎，溫仁惠和，剋平暴亂。其曰穎爲皇太弟，都督中外諸軍事，丞相如故。晉書惠帝紀

青筒詔敕中書

九年

體中不佳不堪出也

口口口口口口引晉八王故事張方之  
魏逼上出謁宗廟上曰青筒詔敕中書

曰豫章王熾爲皇太弟詔

十二月丁亥

天禍晉邦家嗣莫繼成都王穎自在儲貳政績虧屏四海失望不可承重其曰王還第豫章王熾先帝愛子令聞日新四海注意今日爲皇太弟曰隆我晉邦曰司空越爲太傅與太宰顓爽輔朕躬司徒王戎參錄朝政光祿大夫王衍爲尙書左僕射安南將軍虓安北將軍潛平北將軍瞻各守本鎮高密王簡爲鎮南將軍領司隸校尉權鎮洛陽東中郎將模爲鎮北將軍都督冀州鎮于鄴鎮南大將軍劉弘鎮南土周馥繆盾各還本部百官皆復職齊王冏前應還第長沙王又輕陷重刑封其子紹爲樂平縣王曰奉其嗣自頃戎車屢征勞費人力供御之物皆減三分之一戶調田租三分減一蠲除苛政愛人務本清通之後當還東京

晉書  
惠帝

紀

封王基孫詔

光熙元年

司空王基爵祚再絕其子故安陽令振次男恢紹封

書鈔四十八引晉起居注

封何攀爲西城公策

於戲在昔先王光濟厥世罔不開國列士建德表功也故逆臣楊駿謀危社稷構兵飛矢集于殿廷白刃交於宮闈攀受命奮討凶逆連殄忠烈果毅朕甚嘉焉今自魏興之西城爲攀封國錫茲立社苴以白茅永爲晉藩輔往欽哉敬乃有土惠康黎元無或曰暨爾顯烈

華陽國志十一

追贈馬敦策

皇帝咨故督守關中侯馬敦忠勇果毅率厲有方固守孤城危逼獲濟寵祿未加不幸喪亡朕用悼焉今追贈牙門將軍印綬祠曰少牢

文選潘岳馬督贊誄

案元康四年有册贈西王泰爲太尉文乃準虞作編入

續漢書

追復太子冊

永康元年

皇帝使使持節兼司空衛尉伊策故皇太子之靈曰嗚呼維爾少資岐嶷之質荷先帝殊異之寵大放土宇奄有淮陵朕奉遵遺旨越建爾儲副曰光顯我祖宗祇爾德行曰從保傅事親孝敬禮無違者而朕昧於凶構致爾于非命之禍俾申生孝已復見于今賴宰相賢明人神憤怨用啟朕心討厥有罪咸伏其辜何補於荼毒冤魂醜痛哉是用忉怛悼恨震動於五內今追復皇太子喪禮反葬京畿祠曰太牢魂而有靈尙獲爾心

晉書懷愍太子傳

追復齊王岡本封冊

光熙初

咨故大司馬齊王岡王昔曰宗藩穆胤紹世緒於東國作翰許京允鎮靜我王室誕率義徒同盟觸澤克成元勳大濟潁東朕用應嘉茂績謂篤爾勞俾式先典曰疇茲顯懿廓土殊分跨兼吳楚崇禮備物寵侔蕭霍庶憑翼戴之重永隆邦家之望而恭德不建取

侮二方有司過舉致王于戮古人有言曰用其法猶思其人況王  
功濟朕身勳存社稷追維既往有悼於厥心哉今復王本封命嗣  
子還紹厥緒禮秩典度一如舊制使使持節大鴻臚卽墓賜策祠  
曰太牢魂而有靈祇服朕命肆靈爾心嘉茲寵榮

晉書齊王冏傳

愍懷太子哀策

元康元年

皇帝臨軒使洗馬劉務告於皇太子之殯曰咨爾通幼稟英挺芬  
馨誕茂旣茂髫齡高明逸秀昔爾聖祖嘉爾淑美顯詔仍崇名振  
同軌是用建爾儲副永統皇基如何凶戾潛構禍害如茲哀感和  
氣痛貫四時嗚呼哀哉爾之降廢實我不明牝亂沈滅釁結禍成  
爾之逝矣誰百其形昔之山生含枉莫訟今爾之負抱冤於東悠  
悠有識孰不哀慟壺闔干主千秋悟己異世同規古今一理皇孫  
啟建降祚爾子雖悴前終庶榮後始窀穸既營將靈爾神華鬢電  
逝戍車雷震芒芒羽蓋翼翼縉紳同悲等痛孰不酸辛庶光來葉

永世不泯

晉書愍懷太子傳

懷帝

帝諱熾字豐度武帝第二十五子太熙元年封豫章郡王永興元年立爲皇太弟光熙元年十一月卽位明年改元永嘉在位五年陷於劉聰封會稽公後二年遇弒

許劭寔致仕詔

永嘉三年

昔虞任五帝致垂拱之化漢相蕭何興盛一之譽故能光隆於當時垂裕於百代朕紹天明命臨御萬邦所已崇顯政道者亦賴之於元臣庶尹畢力股肱已副至望而君年耆告老確然難違今聽君已侯就第位居三司之上秩祿準舊賜几杖不朝及宅一區國之大政將就詢於君副朕意焉

晉書劉寔傳

與荀晞詔

四年十一月

朕目不德戎車屢興上懼宗廟之累下愍兆庶之困當賴方嶽爲

國藩翰公威振赫然，梟斬藩桑，走降喬朗，魏植之徒，復曰誅除，豈非高識明斷。朕用委成，加王彌、石勒爲社稷之憂，故有詔委統六州，而公謙分小節，稽違大命，非所謂與國同憂也。今復遣詔，使施檄六州，協同大舉，翦除國難，稱朕意焉。荀晞傳又見十一國春秋十一

復詔荀晞討東海王越

五年

太傅信用姦佞，阻兵專權，內不遵奉皇憲，外不協比方州，遂令戎狄充斥，所在犯暴。留軍何倫抄掠宮寺，劫剝公主，殺害賢士，悖亂天下，不可忍聞。雖惟親親，宜明九伐。詔至之日，其宣告天下，率齊大舉桓文之績。一曰委公，其思盡諸宜，善建弘略，道澀故練，寫副手筆示意。晉書荀晞傳

愍帝

帝諱鄴，字彥旗，吳王晏之子，出繼伯父秦王柬，襲封秦王。呂永嘉六年四月奉懷帝崩，問卽位，改元建興。在位四年，陷于劉聰。

封懷安侯明年遇弒

與琅邪王睿南陽王保詔

夫陽九百六之災，雖在盛世，猶或遊之。朕自幼冲纂，承洪緒庶憑祖宗之靈，羣公義士之力，蕩滅凶寇，拯拔幽宮，瞻望未遠，肝心分裂。昔周召分陝，姬氏日隆。平王東遷，晉郟爲輔。今左右丞相茂德齊聖，國之昵屬。當恃二公，埽除鯨鯢，奉迎梓宮，克復中興。今幽并兩州勒卒三十萬，直造平陽。右丞相宜帥秦涼梁雍武旅三十萬，徑詣長安。左丞相帥所領精兵二十萬，徑造洛陽。分遣前鋒，爲幽并後駐，赴同大限，克成元勳。晉書隱帝紀

又詔琅邪王

朕自幼冲纂，承洪緒未能臬夷，凶逆奉迎梓宮，枕戈煩寃，肝心抽裂。前得魏浚表，知公帥先三軍，日據壽春，傳傲諸侯，協濟威勢。想今漸進，已達洛陽。涼州刺史張軌，乃心王室，連旗萬里，已到汧隴。

梁州刺史張光亦遣巴漢之卒屯在駱谷秦川驍勇其會如林間遣使適還其知平陽定問云幽并降盛餘胡衰破然猶恃險當須大舉未知公今所到是日息兵秣馬未使進軍今爲已至何許當須來旨便乘輿自出會除中原也公宜思弘謀猷勗濟遠略使山陵旋反四海有賴故遣殿中郎尉劉蜀蘇馬等具宣朕意公茂德昵屬宣隆冬夏恢融六合非公而誰但洛都陵廟不可空曠公宜鎮撫日緩山東右丞相當入輔弼追蹤周邵召隆中興也晉書書隱帝紀

下張軌詔

建興二年二月壬寅

朕日寡昧纂承大統未能梟除凶逆奉迎梓宮枕戈含冤肝心碎裂惟爾涼州刺史張軌乃心王室旌旗連絡萬里星赴進次汧隴便當協力濟難恢復神州故遣中常侍蘇馬拜爾爲鎮西大將軍開府儀同三司加侍中封西平郡公十六國春秋七十一

授索綝衛將軍領太尉特進詔

建興三年十一月

朕昔遇厄運，遭家不造，播越宛楚，爰失舊京。幸宗廟寵靈，百辟宣力，得從藩衛，託乎羣公之上。社稷之不隕，實公是賴。宜贊百揆，傅晉書索靖附傳。漸朕躬，其授衛將軍、領太尉位，特進軍國之事，悉以委之。

晉書索靖附傳

使琅邪王攝位詔

遭運連否，皇綱不振。朕以寡德，奉承洪緒，不能祈天永命。紹隆中

興，至使凶胡敢帥犬羊，逼迫京輦。朕今幽塞窮城，憂慮萬端，恐一旦奔潰，卿指詣丞相，具宣朕意，使攝萬機。時據舊都，脩復陵廟，日

雪大恥

晉書元

手詔張寔

建興四年十一月甲午

天步危運，禍降晉室。京師傾陷，先帝晏駕，賊庭朕流漂宛，許爰暨舊京。羣臣曰：宗廟無主，歸之於朕。遂曰：冲眇之身，託於王公之上。自踐寶位，四載于茲，不能翦除巨寇，百救危難。元元兆庶，乃遭塗炭。皆朕不明所致，羯賊剽載，僭稱大號，加禍先帝，肆殺藩王。深惟

仇恥枕戈待旦。劉曜自去年九月率其蟻眾乘虛深寇。劫質羌胡。攻沒北地。麴允總戎在外。六軍敗績。侵逼京城。矢流宮闕。胡松等雖赴國難。殿而無效。圍壘千重。外救不至。糧盡人窮。遂爲降虜。仰慙軋靈。俯痛宗廟。君世篤忠貞。勅隆西夏。四海具瞻。朕所憑賴。今進君大都督涼州牧侍中司空承制行事琅邪王宗室親賢。遠在江表。今朝廷播越。社稷倒懸。朕已詔王時攝大位。君其協贊琅邪。共濟艱運。若不忘主。宗廟有賴。明便出降。故夜見公卿。屬日後事。密遣黃門郎史淑侍御史王冲齋詔假授臨出寄命。公其勉之。晉書張寔傳又見十六國春秋七十一

詔

羣邪作逆。傾盪五都。

文選辨命論注引干寶晉紀

授張寔策書。

建興二年十月

維乃父武公著勳西夏。頃胡賊狡猾。侵逼近畿。義兵銳卒。萬里相

尋方貞遠珍府無虛歲方委專征蕩清九域吳天不弔荆余藩后  
朕用悼厥心惟爾雋劬英毅官世表西海今授持節都督涼州諸  
軍事西中郎將涼州刺史領護羌校尉西平公往欽哉其闡弘先  
緒俾屏王室

晉書張寔傳又見一  
六國春秋七十一

### 寒食散論

寒食散之方雖出漢代而用之者寡靡有傳焉魏尚書何晏首獲  
神效由是大行於世服者相尋也

世說言語篇注引秦丞相寒食  
散論案愍帝闢封秦王為丞

相姑附  
此俟攷

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷七終

全晉文卷八

烏程嚴可均校輯



元帝

帝諱睿，字景文，宣帝曾孫，惠帝之從弟。元康二年，襲父觀爵琅邪王。太安中，加平東將軍，鎮下邳。遷安東將軍，永嘉初，鎮建鄴。加鎮東大將軍，開府，儀同三司。建興初，加右丞相，進丞相，大都督中外諸軍事，承制。自建興五年三月，卽晉王位，改元建武。明年三月，卽皇帝位，改元二。太興永昌在位五年，諡曰元皇帝，廟號中宗。

議小功不稅服制

小功總麻，或垂竟聞問，宜全服否？得服其殘月，曰爲永制。通典九十八

元帝制

加王導領中書監錄尚書事詔

全晉文卷八

五

一

昔荀公曾從中書監爲尙書令，人賀之，乃發恚云：「奪我鳳皇池，卿

諸人賀我邪？願足下處之勿疑。」魏文類聚四十八引檀道鸞

命議溫嶠不拜，散騎侍郎詔。

建武元年

溫嶠不拜，口未得改卜葬送，朝議又頗有異同，爲審由此邪？天下

有闕塞，行禮制物者，當使禮可通經，古人之制三年，非情之所盡，

蓋存亡有斷，不曰死傷生耳，要經而服金革之役者，豈營官邪？墮

王事之緩急也。今桀逆未梟，平陽道斷，奉迎諸軍，猶未得徑進，嶠

特一身於何濟？其私艱而曰理闕自疑，不服王命邪？其合三司八

座門下三省外內羣臣，詳共通議，如嶠比，吾將親裁其中。」晉書禮

見通典

一百二

報有司奏治高車詔

今日但治故乃近三十萬邪？勿使過節整頓也。」北堂書鈔宋謝改

晉起居注建武元年有司奏車府令戒嚴上作高車用

撤總米處給請出上庫錢六十七萬六千六百卅云云

詔議中郎李幹事

魏書中

前敦循所奏唯聞喪不得奔者作制如李幹比竟未決之宜急議

定

通典九十八

復議李幹事詔

組所陳不知父母存亡者令行服比於有情其尙有疑然要當詳

議此理令可通經不得曰難安隱而直爾置之皆一代事理道所

宜先明

通典九十八

課督農功詔

元帝爲晉王時

二千石長吏召入穀多少爲殿最其非宿衛要任皆宜赴農使軍

各自佃作卽已爲廩

晉食貨志

改元大赦詔

大興元年

制詔昔我高祖宣皇帝誕膺期運廓開皇基景皇帝文皇帝奕葉

重光緝熙諸夏爰暨武皇帝應天順時受茲明命功格天地仁濟

宇宙昇平刑措卅餘載矣。昊天不融降此鞠凶。懷帝短折。越去王  
都。天禍薦臻。大行皇帝崩徂。社稷無奉。六合無主。肆羣后三司六  
事之人。弘鑒古訓。刑于興廢。疇咨庶尹。至于華戎。致輯大命。於朕  
躬。余一人。畏天之威。用弗敢違。遂登壇南岳。受終文祖。焚柴頌瑞。  
告類上帝。惟朕寡德。績戎洪緒。君臨四海。惴惴憂懼。若涉川冰。罔  
知攸濟。惟爾股肱爪牙之佐。文武熊羆不貳心之臣。用能宣力四  
方。左右我先帝。弼靈晉室。輔余一人。思與萬國。共同休慶。其大赦  
天下。改建武二年爲太興元年。文館詞林六百六十八又見晉書元帝紀

詔官吏

元年三月壬申

昔之爲政者。動人。曰行不。曰言。應天。曰實。不。曰文。故我清靜而人  
自正。其次聽言。觀行。明試。曰功。其有政績可述。刑獄得中。人無怨  
訟。久而日新。及當官軟弱。茹柔吐剛。行身穢濁。脩飾時譽者。各曰  
名聞。令在事之人。仰鑒前烈。同心戮力。深思可。曰寬。罷息役。惠益

百姓無廢朕命遠近禮贊一切斷之百官元

詔報孔愉四月

所陳有正義輒敕外改之宋書禮志一中書侍郎孔愉奏若日有

見通典

七十八  
禁招魂葬詔四月

夫家曰藏形廟曰安神今世招魂葬是埋神也其禁之御覽五百

人百八十六引晉中興書東海王越妃裴痛越棺柩

被焚乃招魂葬越於丹徒中宗曰爲非禮乃下詔

詔二千石七月戊申  
王室多故姦凶肆暴皇綱弛墜顛覆大猷朕曰不德統承洪緒夙

夜憂危思改其弊二千石令長當祇奉舊憲正身明法抑齊豪強

存恤孤獨隱實戶口勸課農桑州牧刺史當互相檢察不得顧私

虧公長吏有志在奉公而不見進用者有貪恠穢濁而曰財勢自

安者若有不舉當受故縱蔽善之罪有而不知當受聞塞之責各

明慎奉行

晉書元帝紀

趁徐揚二州種麥詔

元年

徐揚二州土宜三麥可督令煖地投秋下種至夏而熟繼新故之交於日周濟所益甚大昔漢遣輕車使者泥勝之督三輔種麥而關中遂穰勿令後晚

晉書食貨志

平糶詔

元年

亢旱穀貴百姓嗷嗷有資者貴糶貧羸之民益困漢世穀貴官賤糶使價不超越謂之平準今雖無此可出關米萬斛使三分減一曰平其價令貧困者悉得足曰全秋也

御覽三十五引晉中興書

災異見詔百官陳得失

十一月庚申

朕曰寡德纂承洪緒上不能調和陰陽下不能濟育羣生災異屢興咎徵仍見壬子乙卯雷震暴雨蓋天災譴戒所目彰朕之不德也羣公卿士其各上封事其陳得失無有所諱將親覽焉

晉書元帝紀

詔訪吳地先賢未旌錄者

十二月

漢高經大梁美無忌之賢齊師入魯脩柳下惠之墓其吳之高德名賢或未旌錄者具條列曰聞

晉書元帝紀又見咸濟臨安志四十

下刁協詔

太興初

尙書令協抗志高亮才鑒博朗朕甚喜之

初學記十一御覽一百十引晉中興書

諸葛恢增秩詔

太興初

自頃多難官長數易益有諸弊雖聖人猶久於其道然後化成況其餘乎漢宣帝稱與我共安天下者其惟良二千石斯言信矣是日黃霸等或十年或二十年而不徙所目能濟其中興之勳也賞罰黜陟所目明政道也會稽內史諸葛恢蒞官三年政清人和爲諸郡首宜進其位班曰勸風敎今增恢秩中二千石

晉書諸葛恢傳

詔答諸葛恢

今送一犀導小物耳然是情發於中而寄乎物

御覽六百八十八引諸葛恢集

今致琉璃盃一枚

御覽七百六十引諸葛拔集

今致琉璃枕一

御覽八百八引諸葛拔集

報荀崧請增博士詔

太興初

崧表如此皆經國之務爲政所由息馬投戈猶可講藝今雖日不暇給豈忘本而遺存邪可共博議者詳之

晉書荀崧傳

省務恤民詔

大興二年五月

天下凋弊加已災荒百姓困窮國用並匱吳郡飢人死者百數天生蒸黎而樹之曰君選建明哲曰左右之當深思曰救其弊昔災起爲楚悼王明法審令損不急之官除廢公族疏遠曰附益將士而國富兵強況今日之弊百姓凋困邪且當去非急之務非軍事所須者皆省之

晉書元帝紀又見咸清臨安志四十一

加荀組錄尚書詔

八月

司徒荀組宜讚朝政令錄尚書給班劍六十人

晉書五十九引晉起居注

議定改葬服詔二年

制詔司徒表禮雖無墳墓毀廢正文然依附名例不爲無准吾謂改葬總通制也已修復不臨尸柩素服可也而士大夫率意輕重不同其下太常議定通典百二

許新蔡王滔還襲章武詔二年

滔雖出養自有所生母新蔡太妃相待甚薄滔執意如此如其不聽終當紛紜更爲不可今便順其所執還襲章武晉書宗室河間王洪傳

詔更議宗廟祭儀太興三年正月

吾雖上繼世祖然於懷愍皇帝皆北面稱臣今祠太廟不親執觴酌而令有司行事於情禮不安可依禮更處晉禮志上宋禮志三

報鍾雅詔

禮事宗廟自曾孫已下皆稱曾孫此非因循之失也義取於重孫可歷世共其名無所改也稱伯祖不安如所奏晉書鍾雅傳

七月丁亥

先公武王先考恭王臨君琅邪四十餘年惠澤加於百姓遺愛結於人情朕應天符創基江表兆庶宅心繼負子來琅邪國人在此者近有干戶今立爲懷德縣統丹陽郡昔漢高祖曰沛爲湯沐邑光武亦復南頓優復之科一依漢氏故事

晉書元帝紀

曰邵續子緝爲北平將軍詔

三年

邵續忠烈在公義誠慷慨綏集荒餘憂國亡身功勳未遂不幸陷沒朕用悼恨于懷所統任重宜時有代其部曲文武已共推其息緝爲營主續之忠誠著于公私今立其子足曰安眾一曰續本位卽授緝使總率所統效節國難雪其家仇

晉書邵續傳

通議謚法詔

三年

古者皆諡名實相稱頃來有爵乃諡非聖賢本意通議之

通典一百四

太子釋奠詔

三年

未有高車可乘安車

宋書蕭志五

釋奠太學詔

吾識太子此事祠訖便請王公曰下者昔在洛時嘗豫清坐也

宋書

禮志

曰譙王承爲湘州刺史詔三年

夫王者體天理物非羣才不足濟其務外建賢哲曰樹風聲內睦親親曰廣藩屏是曰太公封齊伯禽居魯此先王之令典古今之通義也我晉開基列國相望乃授琅邪武王鎮統東夏汝南文武總一淮許扶風梁王迭據關右爰暨東瀛作司并州今公族雖寡不逮曩時豈得替舊章乎散騎常侍右將軍譙王承貞素款亮志存忠恪便藩左右恭肅彌著今曰承監湘州諸軍事南中郎將湘

州刺史

晉書宗室譙王承傳

湘州南楚岨固曰叔父居之

書鈔七十二引晉中興書

中州良人詔 太興四年五月庚申

昔漢二祖及魏武皆免良人武帝時涼州覆敗諸為奴婢亦皆復

籍此累代成規也其免中州良人遭難為揚州諸郡僮客者已備

征役 晉書元帝紀

報賽不應告廟詔 四年

祈廟云報賽非奉尊上辭也吾意有疑曰為舊山川有許報故兩

賽非大事不應告廟臣子無要君之道踏稱賽于禮有違 御覽五百二十

九引晉中興書

報刁協詔 四年

知難而退誠合兵家之言然小賊雖狡猾故成擒耳未戰而退先

自摧衄亦古之所忌且邵存已據戰壘威勢既振不可退一步也

晉書蔡豹傳

治兵詔 四年

左右衛及諸營教習依大習儀作雁羽仗

宋書盧志一

呂盧謀爲員外散騎侍郎詔

四年

今日前司空從事中郎盧謀爲散騎侍郎在員外

御覽二百二十四引晉起居注

下晉陵內史張閭詔

太興中

夫二千石之任當勉勵其德綏齊所莅使寬而不縱嚴而不苛其於勤功督察便國利人抑彊扶弱使無雜濫眞太守之任也若聲過其實古人所不取攻乎異端爲政之甚害蓋所貴者本也

晉書張閭傳

呂張閭爲大司農詔

太興中

丹陽侯閭昔呂勞役部人免官雖從吏議猶未掩其忠節之志也倉廩國之大本宜得其才今日閭爲大司農

晉書張閭傳

報周顛詔

太興中

紹幼沖便居儲副之貴當賴軌匠呂祛蒙蔽望之儼然斯不言之

益何學之習邪所謂與田蘇遊忘其鄙心者便當副往意不宜沖

讓晉書周顛傳

誠周顛詔太興中

顛參副朝右職掌銓衡當敬慎德音式是百辟屢言酒過為有司所繩吾亮其極權之情然亦是滿首之誠也顛必能克己復禮者今不加黜責晉書周顛傳

贈諡故太尉劉琨詔太興中

故太尉廣武侯劉琨忠亮開濟乃誠王家不幸遭難志節不遂朕甚悼之往日戎事未加弔祭其下幽州便依舊弔祭贈侍中太尉諡曰愍晉書劉琨傳

轉太常華恆為廷尉詔太興中

太常職主宗廟丞嘗敬重而華恆所疾不堪親奉職事夫子稱吾不與祭如不祭況宗伯之任職所司邪今轉恆為廷尉晉書華表附傳

討王敦詔

永昌元年正月

王敦憑恃寵靈，敢肆狂逆。方朕太甲，欲見幽囚。是可忍也，孰不可忍也。今親率六軍，曰誅大逆，有殺敦首，封五千戶侯，召戴若思，劉隗，並會京師。

晉書王敦傳又見魏書晉司馬睿傳

曰周顛王邃爲左右僕射詔

三月

尚書分置左右僕射，所曰廣登賢俊，經始萬機，護軍周顛，可左僕射，領軍王邃，可右僕射。

御覽二百二十一引晉起居注

封少子昱爲琅邪王詔

三月甲申

先公武王先考恭王君臨琅邪，繼世相承，國嗣未立，蒸嘗靡主，朕常悼心。子昱仁明，有智度，可曰虔奉宗廟，曰慰罔極之恩。其封昱爲琅邪王，食會稽宣城如舊。

晉書簡文帝紀

詔

朕膺天符，創基江左。

文帝頭陀寺碑注引晉中興書元帝詔

弔贈楊邠策

惟永嘉七年四月己未使持節都督江陽諸軍事鎮東大將軍琅邪王睿謹遣板命前衡陽內史楊君忠肅貞固守正不移口雖危通節義可嘉不幸隕卒孤城口甚悼之今列上尚書贈君淮南內史魂而有靈嘉茲寵榮嗚呼哀哉

華陽國志十一

追贈敬虞皇后冊

太興三年八月辛酉

皇帝咨前琅邪王妃虞氏朕祇順昊天成命用陟帝位悼妃夙徂徽音潛翳御於家邦靡所儀刑陰赦有虧用傷于懷追號制諡先王之典今遣使持節兼太尉萬勝奉冊贈皇后璽綬祀曰太牢魂而有靈嘉茲寵榮

晉書元敬虞后傳

蠲除法禁令

初永制

禮樂不興則刑罰不中是呂明罰敕法先王所慎自元康已來事故薦臻法禁滋漫大理所上宜朝堂會議蠲除詔書不可用者此

孤所虛心者也

晉書周法志又見羣書治要二十九引晉書又通典一百六十四

呂周玘爲軍諮祭酒令

建興中

玘奕世忠烈義誠顯著孤所欽嘉今玘爲軍諮祭酒將軍如故進

爵爲公祿秩僚屬一同開國之例

晉書周處附傳

下令許賀循辭中書令

孤曰寡德忝當大位若涉巨川罔知所憑循言行曰禮乃時之望俗之表也實賴其謀猷已康萬機疾患有素猶望臥相規輔而固守撝謙自陳懇至此賢履信思順苟已讓爲高者也今從其所執

晉書賀循傳

賜賀循牀薦等物令

循

晉書

冰清玉潔行爲俗表位處上卿而居身服物蓋周形

而已屋室財庇風雨孤近造其廬已爲慨然其賜六尺牀薦席褥

并錢二十萬已表至德嗚孤意焉

晉書賀循傳又見初學記十三引晉書

又見御覽四百二十一  
十五引徐廣晉記

改元大赦令 建武元年三月

令昔我高祖宣皇帝至德應期受天明命玄石著瑞肇基帝道景  
皇纂戎文皇扇烈重離宣曜庸蜀稽服武皇受終登陟帝位光宅  
天下九州順軌惠懷多難帝主不造夷狄豺狼肆其暴亂京都傾  
覆宗廟爲墟孤悼心失圖靡知所措繕甲脩兵補結天網將呂雪  
皇家之恥蕩鯨鯢之害然後謝責象魏歸身藩臣生死之志畢矣  
今百辟卿士億兆之人上陳靈符下稱人情同見翼戴若影響焉  
孤誓心不回至於三至於四有司固請所守有辭志不可奪孤逼  
於羣吏之議用上奉蒸嘗虔祀祖考明告靈神呂祗休命今立宗  
廟備百僚所呂奉先帝傳晉祚總九牧保生靈也惟爾股肱爪牙  
之佐文武不貳心之臣其各立功立事呂扶我帝室其與天下蕩  
滌瑕燬改往自新同率子來致天之罰其大赦天下孤老不能自

存者賜帛二匹。其殺祖父母及劉載、石勒不從此令。有能斬獲載首者封郡公，食邑五千戶；金二百斤，絹萬匹。斬勒首者封郡侯，食邑三千戶；金百斤，絹五千匹。其爲載勒所誣誤者，赦書到日解甲散兵，各還所屬。一無所問。有能率眾從順，隨本官及所領多少，論其爵位，被書後百日。若故屯結，遂附賊黨，誅及三族。改建興五年爲建武元年。文館詞林卷六百九十五

答劉琨等令

今方岳牧伯之佐，股肱腹心之臣，萬邦之內，九服之外，咸見翼戴，已隆天威，是用辭不獲已，而居王位，羣覽所陳，弘旨優遠，孤方當匡復帝祚，豈可猥居極位。昔有夏克復，賴靡艾之勳；周宣中興，由申邵之佐。二公鎮御幽朔，忠已衛上，建功極難，實憑遠略，夷難雪恥，於是乎在。魏文類聚十三

報劉琨勸進令

建武元年六月

豺狼肆毒薦覆社稷億兆顛隳延首罔繫是曰居於王位曰答天下庶曰尅復聖主掃蕩讎恥豈可猥當隆極此孤之至誠著於遐邇者也公受奕世之寵極人臣之位忠允義誠精感天地實賴遠謀共濟艱難南北迴逸同契一致萬里之外心存咫尺公其撫寧華戎致罰醜類動靜曰聞

晉書劉琨傳

曰劉遐爲下邳內史令

建武初

遐忠勇果毅義誠可嘉曰遐爲下邳內史將軍如故

晉書劉遐傳

聽丹楊尹王導不用鼓蓋令

導德重動高孤所深倚誠宜表彰殊禮而更約已沖心進思盡誠

曰身率眾宜順其雅志式允開塞之機

晉書王導傳

禁居喪婚嫁令

詩稱殺禮多婚曰會男女之無夫家正今日之謂也可一解禁止

自今曰後宜爲其防

晉書劉隗傳世子文學王籍之居叔母喪而婚劉隗奏之帝下令

賜杜夷穀令

建武中

國子祭酒杜夷安貧樂道靜志衡門日不服給雖原憲無已加也

其賜穀二百斛

晉書杜夷傳

報尚書令刁協令

臨淄萬戶封又植少有美才能同遊田蘇者今晚生矇弱何論於此間封此兒不呂寵稚子也亡弟當應繼嗣不獲已耳家丞庶子足呂攝祠祭而已豈宜屈賢才呂受無用乎

晉書琅邪王煥傳

荅羣臣上尊號令

太興元年三月

孤已不德當厄運之極臣節未立匡救未舉夙夜所已忘寢食也今宗廟廢絕億兆無係羣官庶尹咸勉之已大政亦何敢辭輒敬從所報

晉書元帝紀

遺賀循書

夫百行不同故出處道殊因性而用各任其真耳當宇宙清泰彝

倫攸敘，隨運所遇，動默在己，或有遐棲高蹈，輕舉絕俗，逍遙養和，恬神自足，斯蓋道隆人逸，勢使其然。若乃時運屯弊，主危國急，義士救時，驅馳拯世，燭之武乘，純己入秦園，綺彈冠而臣漢，豈非大雅君子，卷舒合道乎？虛薄寡德，忝備近親，謬荷寵位，受任方鎮，殫服玄風，景羨高知，常願棄結駟之軒軌，策紫篲而造門，徒有其懷，而無從賢之實者何？良己寇逆殷擾，諸夏分崩，皇居失御，黎元荼毒，是己日夜憂懼，慷慨發志，在謁節耳。前者顧公臨朝，深賴高算，元凱既登，巢許獲逸，至於今日，所謂道之云亡，邦國殄悴，羣望顛隕，實在君侯，苟義之所在，豈得讓勞居逸，想達哲亦一己貫之也。庶稟微猷，己弘遠規，今上尚書，屈德爲軍司，謹遣參軍沈植，銜命奉授，望必屈臨，己副傾遲。

習書賀  
循傳

與杜夷書

吾與足下雖情在忘言，然虛心歷載，正己足下羸疾，故欲相省，廼

論常儀也

晉書杜夷傳

書

安軍未報平和云如何深可爲事也

范化閣帖一

八月九日容頓首忽中秋但有遠懷便微冷恆何如比殊不能佳惟勿得慰抱念及不多司馬容頓首

范化閣帖一

討石勒檄

建武元年六月己巳

逆賊石勒肆虐河朔逋誅歷載游魂縱逸復遣凶孽石虎季龍犬羊之眾越河南渡縱其鳩毒平西將軍祖逖帥眾討擊應時潰散今遣車騎將軍琅邪王裒等九軍銳眾三萬水陸四道徑造賊場受逃節度有能梟虎季龍首者賞絹三千匹金五十斤封縣侯食邑二千戶又賊黨能梟送季龍首封賞亦同之

晉書元帝紀又見十六國春秋十二

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷八終

全晉文卷九

烏程嚴可均校輯

明帝

帝諱紹字道畿元帝長子建興初拜東中郎將鎮廣陵元帝爲晉王立爲晉太子及卽位立爲皇太子己永昌元年閏十二月嗣位改元太寧在位三年諡曰明皇帝廟號肅祖有集五卷

蟬賦

尋長枝曰凌高靜無爲曰自寧邈焉獨處弗累于情任運任時不

慮不營

藝文類聚九十七

尊師傅詔 太寧元年

朕曰不德夙遭閔凶猥曰眇身託於王公之上哀榮在疚靡所諮仰憂懷惴惴如臨于谷孔子有云故雖天子必有尊也朕將祇奉先師之禮曰諮有德太宰西陽王秩尊望重在貴思降丞相武昌

公司空卽邱子體道高邈勳德兼備先帝執友朕之師傅太常安

陽鄉侯訓保朕躬忠肅篤誠夫崇親尊賢先帝所重朕見四君及

書疏儀體一如東宮故事

晉書薛兼傳

手詔曰溫嶠爲中書令

元年

中書之職酬對多方斟酌禮宜非唯文疏而已非望士良才何可

妄居卿旣曰令望忠允之懷著於周旋且文清而旨遠宜居機密

今欲曰卿爲中書令朝論亦咸曰爲宜

魏文類聚四十八初學記十一並引檀道鸞晉陽秋

又魏文類聚四十八御覽二百二十並引晉中興書

手詔徵王敦

元年三月

孤子紹頓首天下大事紹曰眇身弗克負荷哀憂孔疚如臨于谷

實賴冢宰曰濟艱難公邁德樹勳遐邇歸懷任社稷之託居總已

之統然道里長遠江川阻深動有介石之機而回旋之閒固曰有

所喪矣謂公宜入輔朝政得旦夕訓諮朝士亦僉曰爲然曰公高

亮忠肅至、心憂國苟其宜然、便當已至公處之期於靜國、寧民要  
之括囊無咎、伏想同此志、願便速尅、近期、旨副翹企之懷、魏書  
晉同  
馬紹傳、王敦將爲篡、詔紹微已乃爲書云云、  
案晉書明紀不載此文、但云帝乃手詔徵之、

北討詔 四月

制詔昔魏絳撫和諸戎、邳都魏尙威懾匈奴、故封疆之任在於得  
才、漢文所召思廉、頗李牧也、單于慕容、痍不遠萬里、請吏率職禮  
讓忠義、著之遐朔、欲戮力國難、躬滅長蛇、宜得名胄英才、召董統  
之、使一時齊舉、致討寇庭、此聲實竝振、雖越在海外、其狀若身手  
矣、尙書廣陵公、隲、弘量、淹、濟、識謀經通、文武著於勳績、忠誠每思  
立事、可委以重任、使朕無北顧之憂者也、其召隲、持節督幽、平、并  
州諸軍事、領護東夷校尉、鎮東將軍、平州刺史、公如故、主者假授  
諸所應供給及信風引道、文館詞林六  
百六十二  
存輕典詔 元年

王者所用唯在賞罰。賞貴適理，罰貴得情。然理容進退，事涉疑似。照府司勳，或有開塞之路。三尺律令，未窮畫一之道。想文王之官人，念宣尼之止訟。刑賞之宜，思獲其所。自今諸應賞罰，皆賞疑從重，罰疑從輕。

隋書刑法志

贈薛兼詔

元年

太常安陽侯兼履德冲素，盡忠恪己。方賴德訓，弘濟政道。不幸殒殞，痛於厥心。今遣持節侍御史贈左光祿大夫開府儀同三司

魂而有靈，嘉茲榮寵。

晉書薛兼傳

報杜夷詔

太監初

先王之道，將墜於地。君下帷研思，今之劉揚縉紳之徒。景仰軌訓，豈得高退。而朕靡所取則焉。

晉書杜夷傳明帝卽位夷白表請退詔云云

討錢鳳詔

二年七月

先帝已聖德應運，創業江東。司徒導首居心，管已道翼讚。故大將

軍敦參處股肱。或內或外。夾輔之勳。與有力焉。階緣際會。遂據上宰。杖節專征。委呂五州。才協劉隗。立朝不允。敦抗義致討。情布鬻拳。兵雖犯順。猶嘉乃誠。禮秩優崇。人臣無貳。事解之後。劫掠城邑。放恣兵人。侵及宮省。背違赦信。誅戮之臣。縱凶極逆。不朝而退。六合阻心。人情同憤。先帝含垢忍恥。容而不責。委任如舊。禮秩有加。朕呂不天。尋丁酷罰。煢煢在疚。哀悼靡寄。而敦曾無臣子追遠之誠。又無輔孤同獎之操。繕甲聚兵。盛夏來至。輒曰天官假授私屬。將呂威脅朝廷。傾危宗社。朕愍其狂戾。冀其覺悟。故且含隱。已觀其終。而敦矜其不義之強。有侮弱朝廷之志。棄親用羈。背賢任惡。錢鳳豎子。專爲謀主。逞其凶慝。誣罔忠良。周嵩亮直。讜言致禍。周札周筵。累世忠義。□□□□聽受讒構。殘夷其宗。秦人之酷刑。不過王敦之誅戮。傷濫無辜。滅人之族。莫知其罪。天下咳心。道路目眦。神怒人怨。篤疾所嬰。昏荒悖逆。日眦滋甚。輒立兄息。呂自承

代多樹私黨，莫能同惡。未有宰相繼體，而不由王命者也。頑凶相  
獎，無所顧忌。擅錄冶工，輒割運漕。志騁凶醜，曰闔神器，社稷之危。  
匪夕則旦。天不長奸，敦曰隕斃。鳳承凶宄，彌復煽逆。是可忍也，孰  
不可忍也。今遣司徒導、鎮南將軍丹揚尹嶠、建威將軍趙胤、武旅  
三萬、十道並進。平西將軍邃、率兗州刺史遐、奮武將軍峻、奮威將  
軍瞻、精銳三萬、水陸齊勢。朕親御六軍，左衛將軍亮、右衛將軍胤、  
護軍將軍詹、領軍將軍瞻、中軍將軍壹、驍騎將軍艾、驃騎將軍南  
頓、王宗、鎮軍將軍汝南王祐、太宰西陽王羨、被練三千、組甲三萬。  
總統諸軍，討鳳之罪。罪止一人，朕不濫刑。有能殺鳳送首，封五千  
戶侯，賞布五千匹。冠軍將軍鄧嶽，志氣平厚，識經邪正。前將軍周  
撫，質性詳簡，義誠素著。功臣之貴，情義兼常。往年從敦，情節不展。  
畏逼首領，不得相違。論其乃心，無貳王室。朕嘉其誠，方任之百事。  
其餘文武諸為敦所授用者，一無所問。刺史二千石，不得輒離所

職書到奉承自求多福無或猜嫌曰取誅滅敦之將士從敦彌年  
怨曠日久或父母阻沒或妻子喪亡不得奔赴街哀從役朕甚愍  
之希不懷悅其單丁在軍無有兼重者皆遣歸家終身不調其餘  
皆與假三年休訖還臺當與宿衛同例三番明承詔書朕不負信

晉書王

敦傳

又詔

敢有捨王敦姓名而稱大將軍者軍法從事

晉書王敦傳

原王彬等詔 太監二年十月

司徒導曰大義滅親其後昆雖或有違猶將百世宥之況彬等公

之近親

晉書王  
導附傳

復徵任旭虞喜爲博士詔 太監中

夫興化致政莫尚乎崇道敦明退素也喪亂以來儒雅陵夷每覽  
子衿之詩未嘗不慨然臨海任旭會稽虞喜並潔靜其操歲寒不

移研精墳典居今行古志操足目勵俗博學足目明道前雖不至其更目博士徵之

晉書書虞  
喜傳

詔止紀瞻告老

豈朕德薄不足目爲治乎

御覽二百十一  
引晉中興語

罷領軍將軍紀瞻爲驃騎詔

太監中

瞻忠亮雅正識局經濟屢目年耆病久遂巡告誠朕深明此操重遠高志今聽所執其目爲驃騎將軍常侍如故服物制度一按舊典遣使就拜止家爲府

晉書紀  
瞻傳

報溫嶠手詔

太監中

適得太真表如此今大事新定朝廷須才不有君子其能國乎方今外務差輕欲停此事

晉書桓  
彝傳

詔議廷臣見太子禮

大監三年三月癸巳

禮無生而貴者故帝元子方之於土而漢魏目來尊崇儲貳使官

屬稱臣朝臣咸拜此甚無謂吾昔在東宮未及啟革今衍幼沖之年便臣先達將今日習所見謂之自然此豈可已敷之邪主者其下公卿內外通議使必允禮中晉禮志下又見通典六十七

祀孔子詔三年

給奉聖亭侯四時祀孔子祭宜如太始故事通典五十三

令宰臣等詣都議政詔三年四月

大事初定其命惟新其令太宰司徒已下詣都坐參議政道諸所

因革務盡事中晉書明帝紀

求直言詔三年四月

滄直言引亮正想羣賢達吾此懷矣子違汝概堯舜之相君臣也

吾雖虛聞庶不距逆耳之談稷契之任君居之矣望共勛之晉書明帝紀

議立功臣後詔三年七月

三恪二王世代之所重興滅繼絕政道之所先又宗室哲王有功勳於大晉受命之際者佐命功臣碩德名賢三祖所與共維大業咸開國祚土誓同山河者而並廢絕禮祀不傳甚用懷傷主者其詳議諸應立後者已聞晉書明帝紀又見通典七十四議北郊及望秩詔

郊祀天地帝王之重事自中興已來惟南郊未曾北郊四時五郊之禮都不復設五嶽四瀆名山大川載在祀典應望秩者悉廢而未舉主者其依舊詳處晉書明帝紀又見御覽五百二十七引晉起居注

錄吳名臣後詔八月

昔周武克殷封比干之墓漢高過趙錄樂毅之後追顯既往目勸將來也吳時將相名賢之胄有能纂脩家訓又忠孝仁義靜已守真不聞於時者州郡中正亟已名聞勿有所遺晉書明帝紀聽劉超買外廩牛詔年月未詳

此不足賣與宜便賜之然義興前後辭讓不妄受一賜今亦必復不受可聽如所啟

御覽八百二十八

案此詔當在超爲中書侍郎後晉書本傳載此事在出爲義興之前非其

也

遺詔 太監三年閏八月丁亥

自古有死賢聖所同壽夭窮達歸於一概亦何足特痛哉朕枕疾已久常慮忽然仰惟祖宗洪基不能克終堂構大恥未雪百姓塗炭所召有慨耳不幸之日敏日時服一遵先度務從簡約勞厭崇飾皆勿爲也衍召幼弱猥當大重當賴忠賢訓而成之昔周公匡輔成王霍氏擁育孝昭義存前典功冠二代豈非宗臣之道乎凡此公卿時之望也敬聽願命任託付之重同心斷金召謀王室諸方嶽征鎮刺史將守皆朕扞城推轂於外雖事有內外其致一也故不有行者誰扞牧圉譬若唇齒表裏相資宜戮力一心若合符契思美焉之美召緝事爲期百辟卿士其總已召聽於冢宰保祐

冲幼弘濟艱難永令祖宗之靈靈於九天之上則朕沒於地下無

恨黃泉

晉書明帝紀

遺詔陸倕錄尚書事

太寧三年

睦清操忠貞歷職顯允且其兄弟事君如父憂國如家歲寒不凋

體自門風既委曰六軍可錄尚書事加散騎常侍

晉書陸倕傳

立穆庾皇后冊

太寧元年六月壬子

如庾氏昔承明命作嬪東宮虔恭中饋思媚軌則履信思順曰成

肅離之道正位閨房曰著協德之美

文選謝朓齊敬皇后哀策文注引晉中興書作之義

夙懼不造瑩瑩在疚羣公卿士稽之往代僉曰崇嫡明統載在典

謨宜建長秋曰奉宗廟是曰追述先志不替舊命使使持節兼太

尉授皇后璽綬夫坤德尚柔婦道承姑崇柔盛之禮敦螽斯之義

是曰利在永貞克隆堂基母儀天下潛鳴陰教鑒於六列攷之篇

籙禍福無門盛衰由人雖休勿休其敬之哉可不慎歟

晉書明穆后傳

與溫嶠書

太監中

痛謝饑未絕於口世將復至於此竝盛年雋才不遂其志痛切於心庶明古多通饑達有識致其言雖未足令人改聽然味之不倦近未易有也坐相視盡如何

晉書王  
虞傳

書

伏想慕次安隱守視文武平安

潘化閣  
帖一

答溫嶠等

省所陳明卿等動靜數示

文苑英華六百二十七薛元超諫皇太子

中舍人劉放諫馬  
射云云太子答

全晉文卷九

明帝

七

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷九終